



Broj: 02/2-05-29659-3/14

25. decembar 2014. godine

**BOSNA I HERCEGOVINA
VIJEĆE MINISTARA**

N/R Gdin Vjekoslav Bevanda, Predsjedavajući Vijeća ministara BiH

PREDMET: Urgencija za izmjenu i dopunu Odluke o određivanju graničnih prelaza u BiH

Uvaženi gđine Bevanda,

Ovim putem Vam se obraćamo sa urgencijom za razmatranje inicijative JP Međunarodni aerodrom Tuzla za izmjenu Odluke o određivanju graničnih prelaza u Bosni i Hercegovini (Službeni glasnik Bosne i Hercegovine 39/12), po skraćenoj proceduri odnosno kako bi se izmjene i dopune navedene Odluke našle na dnevnom redu prve naredne sjednice Vijeća ministara BiH, te kako bi se Aerodrom Tuzla u što kraćem roku uvrstio na listu graničnih prelaza sa kojih je dozvoljen promet roba koje podliježu veterinarskim i fitosanitarnim inspeksijskim kontrolama.

Naime, kako ste upoznati našim aktom Pisma podrške navedenoj Inicijativi od 08.12.2014. godine broj 02/2-05-29659/14, kao i dopisima JP Međunarodni aerodrom Tuzla upućenog Vama i Vašim zamjenicima, JP Međunarodni aerodrom Tuzla je nedavno sklopio Ugovor sa turskom avio-kompanijom „Sky AirChartering“ za transport dijela trenutne kvote iskoštenog friškog junećeg mesa koju izvozi lokalna kompanija „Piemonte“ d.o.o. Tuzla. Poslovi izvoza prema Republici Turskoj predstavljaju odličnu priliku da se na Aerodromu Tuzla razvija cargo centar, što bi zasigurno doprinijelo privrednom razvoju Tuzlanskog kantona, i cijele Bosne i Hercegovine. Međutim, trenutno je izvoz sirovina animalnog porijekla sa Aerodroma Tuzla onemogućen zbog spornog člana 24.2. Odluke o određivanju graničnih prelaza u Bosni i Hercegovini (Službeni glasnik Bosne i Hercegovine 39/12), kojim je definisano da se promet roba koje podliježu veterinarskim i fitosanitarnim inspeksijskim kontrolama može obavljati sa aerodroma u Banja Luci i Sarajevu.

Iskreno se nadamo da ćete prepoznati značaj inicijative JP Međunarodni aerodrom Tuzla za izmjenu člana 24.2. Odluke o određivanju graničnih prelaza u Bosni i Hercegovini (Službeni glasnik Bosne i Hercegovine 39/12), kako bi se omogućio dalji razvoj tuzlanskog aerodroma.

Unaprijed zahvaljujemo na Vašoj podršci na rješavanju navedenog problema.

S poštovanjem,

DOSTAVITI:

1x Naslovu

1x JP Međunarodni aerodrom Tuzla

1x a/a





Broj: 02/2-05-29659-1/14

18. decembar 2014. godine

**BOSNA I HERCEGOVINA
PREDSJEDNIŠTVO**

N/R Gđin Bakir Izetbegović, Član Predsjedništva Bosne i Hercegovine

PREDMET: Zahtjev za podršku inicijativi JP Međunarodni aerodrom Tuzla

Uvažena Ekselencijo,

Kao što ste upoznati, JP Međunarodni aerodrom Tuzla je, u proteklom periodu, ostvario značajan napredak u oblasti putničkog saobraćaja, a Vlada Tuzlanskog kantona je, pored potencijala za razvoj putničkog saobraćaja, prepoznala i potencijal za razvoj cargo saobraćaja sa tuzlanskog aerodroma. Nedavno je JP Međunarodni aerodrom Tuzla sklopio Ugovor sa turskom avio-kompanijom „Sky Air Chartering“ za transport dijela trenutne kvote iskoštenog friškog junećeg mesa koju izvozi lokalna kompanija „Pietnonte“ d.o.o. Tuzla. Poslovi izvoza prema Republici Turskoj predstavljaju odličnu priliku za realizaciju namjera Vlade Tuzlanskog kantona, da se na Aerodromu Tuzla razvija cargo centar, koji pored ostalog, otvara i mogućnost povezivanja privrede Tuzlanskog kantona i Bosne i Hercegovine sa privredom Republike Turske, čime bi se realizovale i **Vaše proklamovane namjere unapređenja privredne saradnje ove dvije zemlje, prvenstveno kroz predstavljanje bh. privrede u Turskoj, a potom i kroz poboljšanje vanjskotrgovinske razmjene.**

Trenutno je izvoz sirovina animalnog porijekla sa Aerodroma Tuzla onemogućen zbog spornog člana 24.2. Odluke o određivanju graničnih prelaza u Bosni i Hercegovini (Službeni glasnik Bosne i Hercegovine 39/12), kojim je definisano da se promet roba koje podliježu veterinarskim i fitosanitarnim inspekcijским kontrolama može obavljati sa aerodroma u Banja Luci i Sarajevu.

JP Međunarodni aerodrom Tuzla uputio je niz dopisa za podršku inicijativi za izmjenu gore navedene Odluke, između ostalog predsjedavajućem i zamjenicima predsjedavajućeg Vijeća ministara BiH, Ministarstvu vanjske trgovine i ekonomskih odnosa BiH, Uredu za veterinarstvo BiH, Ministarstvu komunikacija i prometa BiH i Ministarstvu sigurnosti BiH. Upoznali su i Vas sa navedenom inicijativom, a Vlada Tuzlanskog kantona je, također, Vijeću ministara Bosne i Hercegovine uputila pismo podrške inicijativi JP Međunarodni aerodrom Tuzla. **Nažalost, menadžment ovog preduzeća nailazi na nerazumijevanje, posebno Ministarstva vanjske trgovine i ekonomskih odnosa BiH. Prema našem mišljenju, razlozi za to su, između ostalog, da se naprijed navedeni posao realizira sa aerodroma u Banja Luci.**

Uvaženi gđine Izetbegović, želim iskoristiti priliku još jednom se zahvaliti na Vašim aktivnostima na poticanju razvoja Tuzlanskog kantona, te **Vas zamoliti da u granicama svojih mogućnosti utječete da se zahtjev JP Međunarodni aerodrom Tuzla nađe na dnevnom redu sjednice Vijeća ministara.**

S poštovanjem,

DOSTAVITI:

1x Naslovu

1x JP Međunarodni aerodrom Tuzla

1x a/a





Broj:02/2-01-29659/14
Tuzla, 08.12.2014 godine

Bosna i Hercegovina
Vijeće ministara
n/r predsjedavajućeg

Predmet: Pismo podrške inicijativi JP Međunarodni aerodrom Tuzla, dostavljam.

Poštovani,

U ime Tuzlanskog kantona i Vlade Tuzlanskog kantona dostavljam Vam pismo podrške Inicijativi JP Međunarodni aerodrom Tuzla, koja Vam je dostavljena od strane menadžmenta Aerodroma dana 05.12.2014.godine, a kojom se traži izmjena Odluke o određivanju graničnih prelaza u Bosni i Hercegovini („Službeni glasnik BiH“ broj: 39/12).

Naime, predmetnom Odlukom propisano je da se promet roba koje podliježu veterinarskim i fitosanitarnim kontrolama može obavljati isključivo sa aerodroma u Sarajevu i Banja Luci, čime je privreda Tuzlanskog kantona, koja je inače pod velikim pritiskom trenutne ekonomske krize, dovedena u još nezavidniju situaciju.

Tuzlanski kanton je u ranijem periodu donio dokument „Strategija razvoja cargo centra na Aerodromu Tuzla“, kojom se na odgovarajući način kao jedan od strateških pravaca za razvoj privrede i poljoprivrede na području Tuzlanskog kantona definiše avio prevoz svih poljoprivrednih i prehrambenih proizvoda, uključujući i proizvode animalnog porijekla, a što bi u konačnom trebao biti osnovni poticaj i osnova razvoja poljoprivrede na ovom području.

Javno preduzeće Međunarodni aerodrom Tuzla, koji je pod punom brigom nadležnih organa Tuzlanskog kantona, koji poslije niza godina u oblasti prevoza putnika postigao odgovarajući napredak, čime daje naznake budućeg razvoja i samoodrživosti tog preduzeća, ali da bih to bez omogućavanja vršenja i prevoza roba, uključujući poljoprivredne proizvode animalnog porijekla bilo teško izvodljivo.

S tim u vezi JP Međunarodni aerodrom Tuzla ušao je u odgovarajuće ugovorne odnose sa jednom Turskom avio kompanijom, koja je iskazala interes za prevoz odgovarajućih količina proizvoda animalnog porijekla od firmi sa područja Tuzlanskog kantona, ali ih navedena Odluka Vijeća ministara u tome ograničava.

Zbog svega navedenog dajemo podršku Inicijativi za odgovarajuće izmjene i dopune navedene Odluke Vijeća ministara, a Vas molimo da svojim autoritetom pomognete, da se u najkraćem mogućem roku, ta Inicijativa podrži i realizira, na način da se Aerodrom Tuzla uvrsti na listu graničnih prelaza putem kojih je dozvoljen promet roba koje podliježu veterinarskim i fitosanitarnim inspekcijskim kontrolama, te na taj način direktno pomognete ukupnom razvoju privrede Tuzlanskog kantona, a time i privrede Bosne i Hercegovine.

U prilogu ovog pisma Vam pored teksta Inicijative JP Međunarodni aerodrom Tuzla, koja Vam je već upućena, dostavljamo i kopiju pisma podrške ovoj inicijativi o Federalnog Ministarstva prometa i komunikacija.


U nadi povoljnog rješavanja iskreno se zahvaljujem.

S poštovanjem.

Dostavljeno:

- Naslovu
- Ministarstvo vanjske trgovine i ekonomskih odnosa BiH
- Ministarstvo komunikacija i prometa BiH
- Ministarstvo civilnih poslova BiH
- Ministarstvo sigurnosti BiH
- a/a

PREMIJER KANTONA



TUZLA INTERNATIONAL AIRPORT MEDUNARODNI AERODROM TUZLA d.o.o.

Kantonalni sud u Tuzli br. U/I-548/05; ID:4209372030004, PDV:209372030004 PE 0300421 TR 1321000309135613, NLB banka dd.
Tuzla; TR 3389002207867256 UniCredit banka Sarajevo,tel. 035 745-610 fax. 035 745-611

Broj:01/II-79-4/2014
Tuzla, 05.12.2014.

Bosna i Hercegovina
Vijeće ministara Bosne i Hercegovine
Ministarstvo vanjske trgovine i ekonomskih odnosa BiH
Ured za veterinarstvo Bosne i Hercegovine
N/r direktora Ljubomir Kalaba

**Predmet: Inicijativa za izmjenom Odluke o određivanju graničnih prelaza u Bosni i Hercegovini-
dostavlja se;**

Poštovani,

Obraćamo Vam se ovim aktom da u skladu sa vašim ovlaštenjima i mogućnostima pomognete na pokretanju inicijative za izmjenu i dopunu Odluke o određivanju graničnih prelaza u Bosni i Hercegovini (Službeni glasnik Bosne i Hercegovine broj 39/12)

Naime, članom 24. tačka (2) pomenute Odluke definisano je da se promet roba koje podliježu veterinarskim i fitosanitarnim inspeksijskim kontrolama može obavljati sa Aerodroma Sarajevo i Banja Luka.

Obzirom da je Vlada Tuzlanskog kantona i parlament Tuzlanskog kantona usvojio dokument "Strategija razvoja cargo centra na Aerodromu Tuzla" koji definiše transport svih potencijalnih poljoprivrednih proizvoda u čijem su sastavu i proizvodi animalnog porijekla, što bi trebalo u konačnici da bude okosnica razvoja poljoprivrede na Tuzlanskom kantonu.

Slijedom toga Aerodrom Tuzla je potpisao ugovor sa Turskom avio kompanijom Skyairchartering, za transport dijela trenutne kvote iskoštenog friškog junećeg mesa koju izvozi lokalna firma "PIEMONTE" d.o.o. Tuzla.

Po okončanju svih priprema za transport došli smo do informacije da veterinarski ured BiH nije u mogućnosti odobriti terenskog veterinarskog inspektora za pregled i otpremu navedene robe. Kao razlog nemogućnosti određivanja veterinarskog inspektora se navodi gore pomenuta Odluka.

S tim u vezi molimo vas da Vašim autoritetom pomognete u realizaciji ove inicijative za izmjenu i dopunu Odluke po skraćenoj procedure, na prvoj narednoj sjednici, kako bi se i Aerodrom Tuzla u što kraćem roku uvrstio na listu graničnih prelaza sa kojih je dozvoljen promet roba koje podliježu veterinarskim i fitosanitarnim inspeksijskim kontrolama.

S poštovanjem,



TUZLA INTERNATIONAL AIRPORT **JP MEDUNARODNI AERODROM TUZLA d.o.o.**

Kantonalni sud u Tuzli br. U/I-848/05; ID4209372030004, PDV209372030004 PB 0300421 TR 1321000309135613, NLB banka dd Tuzla; TR 3389002207867256 UniCredit banka Sarajevo, tel. 035 745-610 fax. 035 745-611

Broj: 01/I-412/14
G.Dubrave, 08.12.2014.

Bosna i Hercegovina
Federacija Bosne i Hercegovine
Tuzlanski kanton
Vlada TK

N/R Premijera

Predmet: Zahtjev za podrškom inicijativi

Poštovani,

Obraćamo Vam se ovim aktom da nam u skladu sa vašim nadležnostima i ovlaštenjima pomognete u realizaciji inicijative za izmjenu Odluke o određivanju graničnih prelaza u Bosni i Hercegovini objavljenoj u Službenom glasniku Bosne i Hercegovine broj 39/12).

Inicijativu za izmjenu pomenute Odluke smo uputili na sljedeće adrese:

- Ministarstvu vanjskih poslova i ekonomskih odnosa Bosne i Hercegovine;
- Ministarstvu vanjskih poslova i ekonomskih odnosa-Ured za veterinarstvo Bosne i Hercegovine;
- Ministarstvu komunikacija i prometa Bosne i Hercegovine i
- Ministarstvo sigurnosti Bosne i Hercegovine.

Pomenutom Odlukom je definisano da se promet roba koje podliježu veterinarskim i fitosanitarnim inspekcijским kontrolama se mogu obavljati sa Aerodroma Sarajevo i Aerodroma Banja Luka.


Obzirom da je Aerodrom Tuzla dana 03.12.2014. godine, potpisao Ugovor sa avio kompanijom. Skyairchartering iz Turske za transport iskoštenog friškog junećeg mesa, a da zbog pomenute Odluke veterinarski ured Bosne i Hercegovine nije u mogućnosti imenovati terenskog veterinarskog inspektora.

Napominjemo da Aerodrom Tuzla intenzivno radi na realizaciji usvojenog dugoročnog razvojnog projekta "Strategija razvoja Aerodroma Tuzla kao regionalnog cargo centra".

Zbog svega navedenog, molimo vas da Vašim autoritetom pomognete u provedbi ove naše inicijative za izmjenu i dopunu pomenute Odluke.

U prilogu vam dostavljamo kopiju "Inicijative za izmjenu Odluke o određivanju graničnih prelaza u Bosni i Hercegovini" dostavljenom Ministarstvu sigurnosti BiH.

S poštovanjem,



v.d. DIREKTOR
Rifat Karasalihović

Broj: 01 - 02 - 2 - 2057 /14
Sarajevo, 04.12.2014.godine

Broj: 01/I-409/14
B. Doprave, 08.12.2014 godine

**MINISTARSTVO SIGURNOSTI BOSNE I HERCEGOVINE
DRŽAVNA KOMISIJA ZA INTEGRISANO UPRAVLJANJE GRANICOM BIH**

PREDMET: Zahtjev za dopunu Odluke o određivanju graničnih prijelaza u Bosni i Hercegovini

U skladu sa članom 24. a u vezi sa članom 26. Odluke o određivanju graničnih prijelaza u Bosni i Hercegovini (Sl.glasnik BiH br. 39/12) dostavljamo Vam zahtjev za izmjeru Odluke u dijelu koji se odnosi na vršenje zračnog transporta životinjskog porijekla sa J.P. Međunarodnog aerodroma Tuzla.

Naime, Međunarodni aerodrom Tuzla i Cargo-charter avio -kompanija Sky Airchartering iz Istanbula, Turska su nedavno potpisali ugovor kojim je predviđen transport 15.000 tona junećeg mesa iz Bosne i Hercegovine za Tursku do decembra 2015 godine. Međutim, za realizaciju pomenutog Ugovora neophodno je u što kraćem roku poduzeti mjere u cilju dopune člana 25. predmetne Odluke.

Obzirom da postoji veliki interes kako u poslovnom sektoru, tako i za J.P. Međunarodni aerodrom Tuzla nadamo se da ćete pozitivno odgovoriti na ovaj zahtjev i čim prije poduzeti potrebne aktivnosti u skladu sa gore navedenim.

S poštovanjem

Prilog:
-Akt JP Međunarodni aerodrom
Tuzla br. 01/I 39/14 od 02.12.2014.godine

Dostaviti:
-Naslov
-JP Međunarodni aerodrom Tuzla
-Evidencija
-Arhiva



MINISTAR

Enver Bijedić